

INSTRUCCIÓN DA DIRECCIÓN XERAL DE EDUCACIÓN, FORMACIÓN PROFESIONAL E INNOVACIÓN EDUCATIVA POLA QUE SE CONVOCAN, CON CARÁCTER EXTRAORDINARIO, PROBAS DE ACCESO AOS CICLOS FORMATIVOS DE GRAO SUPERIOR DE ARTES PLÁSTICAS E DESEÑO PARA O CURSO 2019-20.

A Orde do 25 de xuño de 2007, pola que se regulan o acceso e admisión ás ensinanzas profesionais de artes plásticas e deseño (DOG do 11 de xullo), modificada pola Orde do 15 de marzo de 2013 (DOG do 25 de marzo) establece no seu artigo 2º que a consellería competente en materia de educación convocará, cando menos unha vez ao ano, as probas de acceso ás ensinanzas profesionais de artes plásticas e deseño para aqueles aspirantes que non reúnan os requisitos para o acceso directo ás mesmas.

Na Resolución do 6 de maio de 2019, da Dirección Xeral de Educación, Formación Profesional e Innovación Educativa, dítanse instrucións para o acceso e a admisión do alumnado ás ensinanzas profesionais de artes plásticas e deseño para o curso 2019/20.

Unha vez rematado o prazo ordinario de matrícula para os/as aspirantes que superaron o proceso de acceso e admisión ás ensinanzas profesionais de artes plásticas e deseño para o vindeiro ano académico 2019-20, constátase a existencia de prazas vacantes para cursar os ciclos formativos de grao superior de *Dourado, prateado e policromía, Ebanistería artística, Técnicas escultóricas, Escultura aplicada ao espectáculo, Gráfica publicitaria, Fotografía, Xoiaría artística, Gravado e técnicas de estampación, Proxectos e dirección de obras de decoración*, e ensinanzas modulares de *Taller de Dourado e prateado* nas Escolas de Arte e Superiores de Deseño e nos Centros Autorizados de Artes Plásticas da Comunidade Autónoma de Galicia.

Tendo en conta o exposto, compre establecer un novo proceso de acceso e admisión a estas ensinanzas e para estes centros, polo que esta Dirección Xeral **RESOLVE** autorizar a realización de probas específicas de acceso aos ciclos formativos de grao superior en convocatoria extraordinaria, a realizar na primeira e segunda semanas do mes de setembro de 2019.

As ditas probas realizaranse de acordo co establecido na Resolución do 6 de maio de 2019, citada, e serán administradas, avaliadas e cualificadas polo tribunal e segundo o calendario que se indican no anexo a esta instrución.

Santiago de Compostela,

O director xeral de Educación, Formación Profesional e Innovación Educativa.

Manuel Corredoira López

Srs. /a Directores/a das Escolas de Arte e Superiores de Deseño de Galicia.



ANEXO

Calendario:

Inscripción para as probas:

A inscrición para a realización das probas de acceso realizarase nas secretarías das seguintes EEASSD:

- Antonio Faílde de Ourense, para o ciclo formativo de grao superior de artes plásticas e deseño en *Ebanistería artística e Fotografía*.
- Mestre Mateo de Santiago de Compostela, para os ciclos formativos de grao superior de artes plásticas e deseño en *Gráfica publicitaria, Proxectos e dirección de obras de decoración, Técnicas escultóricas, Xoiaría artística* e ensinanza modular de *Taller de dourado e prateado*.
- Pablo Picasso da Coruña, para os ciclos formativos de grao superior de artes plásticas e deseño en *Fotografía, Dourado, prateado e policromía* e *Escultura aplicada ao espectáculo*.
- Ramón Falcón de Lugo, para os ciclos formativos de grao superior de artes plásticas e deseño en *Fotografía e Gravado e técnicas de estampación*.

Prazo de inscrición:

Dende o día da recepción desta instrución ata o día 6 de setembro de 2019

Publicación de inscritos/as, nas páxinas web das EEASSD de Galicia e no portal da Consellería de Cultura, Educación e Ordenación Universitaria:

Día 9 de setembro de 2019

Realización da proba específica:

Día 10 de setembro de 2019 na Escola de Arte e Superior de Deseño (EASD) Mestre Mateo, e segundo o seguinte horario:

- Primeiro exercicio: das 10.00 ás 11.00 horas.
- Segundo exercicio: das 12.00 ás 14.00 horas.
- Terceiro exercicio: das 17.00 ás 19.00 horas.

A EASD Mestre Mateo organizará a distribución horaria e de espazos de ocupación do tribunal que actúe nelas.

Publicación de cualificacións provisionais nas páxinas web das EEASSD de Galicia e no portal da Consellería de Cultura, Educación e Ordenación Universitaria:

Día 13 de setembro de 2019

Publicación das cualificacións definitivas

Día 16 de setembro de 2019

Asignación de prazas nas páxinas web das EEASSD de Galicia e no portal da Consellería de Cultura, Educación e Ordenación Universitaria:

Día 16 de setembro de 2019

Matriculación:

Días 17 e 18 de setembro de 2019



Tribunal:

Tribunal encargado da organización, realización e cualificación das probas específicas de acceso aos ciclos formativos de grao superior de artes plásticas e deseño, que actuará na Escola de Arte e Superior de Deseño Mestre Mateo de Santiago de Compostela

Tribunal:	
Presidente:	Santiago Riande Torres
Vogal 1ª	Mª. Virginia Barros Angueira
Vogal 2ª	Irene Gago Pesado
Vogal 3º	Marta Mª Cousiño Gómez
Vogal 4ª	José Antonio Cruz Lago

As suplencias dos membros do tribunal por causa xustificada serán resoltas pola Dirección da EASD á que estea destinado o membro do tribunal, que nomeará á/ao suplente que corresponda.

